

77
RÖPL.
151

1532

1532

Bayle

Donzweyen Türck
en newlich gefangen was
sie gefraget worden / vnd geant
wort haben.

Ex Museo
Hungarico



Ortelius

Das Erst Fragstück.

Ob der Türckisch Keyser mit allem heer vber die Vaha kommen sey? Antwort des Ersten Türcken Ja er sey mit als ler seiner macht herüber Antwort des andern. Ja.

Das Ander.

Wienler püchsen bey yhm hab? Antwort des Ersten. Vierhundert stuck klein feldgeschütz. Des andern Er hab mit püchsen die starck sein/sonder etlich auff redern/vñ die do dienen zu der schlacht/bey 400. das sey aygentlich alsd.

Das Dritt.

Wie vil volcks Antwort des.1. Zehentaufent Janitscher/ Bey dem Kayser sein Sibentaufent/vnd bey Ambri Wascha drey tausent. Des.11. Zehentaufent Janitscher/bey de Türckischen Keyser Sechstaufent/vnnd bey Ambri Wascha vier tausent.

Das Vierdt.

Was sie für wehr tragen? Antwort des.1. Neuntaufent haben püchsen/aín tausent Partisan/darmit sie stechen vnd schlagen Des.11. Dermeist teyl treget püchsen/vnndzwey tausent tragen partisan/die dienen zu schlagen vñ würgen.

Das Junfft.

Ob er die prucken vber die Raha hab steen lassen? Antwort des.1. Des wißer nit. Des.11. Nach dem als pald der Türck hin vber kommen ist/hab er die prucken wegt gethan/wiewol ers selb nit hat gesehen/sonder die hernach gefolgt/habens yhm gesagt.

Das Sechst.

Wie viel sie tag vber die prucken gezogē? Antwort des.1. Drey tag vnd drey nacht/daneben sey vil volcks sonst vber dz wasser komen/der prucken seynur aine gewest/hab der Türck schlagen lassen. Des.11. Bis auff den vierden tag.

Das Sibend.

Ob er die prucken zu Effect steen hab lassen? Antwort des.1. Er wiß des selben nit. Des.11. Ja.

Das Acht.

Ob pryn peter lebendig oder todt sey? Antwort des.1. Er sey gefangen/vnd funffzehnen seiner pesten diener erschlagen. Des.11. Er sey gefangen.

Das Newnt.

Ob er vor Güns gestürmt hab? Antwort des.1. Man hab den graben/des tags so sie vom leger geritten/sum sturm ausgefüllt/aber noch nit gestürmt. Des.11. Vain/er hat noch nit anlassen lauffen den sturm/dan die mauer wer noch nicht weck.

Das Zehendt.

Wie vil der diener/so vñ Ambri wascha hinein gen/Güns gefallen sein. Antwort des.1. Ir sein acht odder zehen/darvnder zween hungern. Des.11. Etlicher seiner gefangnen/die er von jugent auffgezogen hatt/sein hinein geflohen/die hat er wider herauff berufft/Sie habens aber yhm abgeschlagen/durch potschafft der Mißpoß.

Das Ylffft.

Was des Türckischen Keyseres fürnemen sey? Antwort des.1. Es könne nyemand wissen wohin er wöll Des.11. Er wolt güns die stadt vor gewinnen/dan er ist mit zom vber sie bewegt/wen sie aber gnad begerten jms auffgeben so wolt ers besetzen.

Das Zwölffft.

Ob er nit auff Wien ziehen werd? Antwort des.1. Etlich sagen er werd auff Wien ettlich nit. Des.11. Darnach wol er auff Wien ziehen/nit das er die stet vnd schlosser belegeren wöll dan er ist nit darzu gerüst/hat sich auch nit darauff versehen/sonder das er der schlacht wartem wölle/Wo er da oblig vnd sie gewinn/woll er die Stedte vnnd Schlosser einnehmen/Wo er aber nicht/so wölle ers alles verheren/vnd verderben/vnnder wiß nicht wie lang er zu feld ligen werde/Sunder das sey entlich des Türckischen Keyseres fürnemen das er der schlacht wartem wöll/so lang er vor kelt vñ Winter zu selde ligen kün.

Das dreyzehend

Ob in des Türcken leger hunger sey? Antwort des. 1. Ein prot als ein faust gelt zehen Aspern/vñ als vil einer ein nacht füttern mög/gelt vierzig Aspern /sie möchten vor hunger sterben. Des. 11. Es ist ein grosser hunger vñd mangel des trancks vñd essens vnter jnen.

Das vierzehend

Warumb sie prennenn? Antwort des. 1. Der Türckisch Kayser laß schier alle tag zehen oder zwelff derhalbenn niderz hack enn/kans aber vnter souiel volcks nit erwerit. Des. 11. Wiewol der türckisch Kayser solchs hart straffet vñd sehr ver peut/kan ers doch nit verhuten vor der meng des volcks.

Das funffzehend.

Wo die potschafft sey? Antwort. Des. 1. Sie sey beim Turcken vñ ziehe mit jm/wohin erziehe. Des. 11. Sie leben noch vñd sein stets bey dem Ambri Wascha/sie haben nicht wöllen abziehen/haben geforcht geferligkeit vñd ermordung vor des türckischen vortrab/haben darumb den Kayser gepet ten das er sie bey jm behilt.

Das sechzehend

Wiewil er Tattern hab. Antwort. Des. 1. Er soll jr Achte tausent haben. Des. 11. Achte tausent.

Das sibenzehend

Wiewil er Natalier hab. Antwort. Des. 1. Das ganz Nat alia sey da / acht er auff dreissig tausent man. Des. 11. Das wif er nit gewif.

Das achtzehend

Wiewil er oberal hab vñd starck sey. Antwort. Des. 1. Er acht es alles auff zwaymalhundert tausent mann / Darunter vermaint er/es mochtenn jm die achzig tausent werhaffter man sein. Des. 11. Zwaymalhundert tausent ist das ganz here r-iter welschenn achzigtausent oder hunderttausent gnter streitpeter meuner sey jm vortzug vñd das here sey yetz grosser/ dann es zuvor vor Wien gewesen sey.

Das Neunzehend

Ob man nit sag das die Chuffen sich nit jnenn schlagennt werden/vñd das Kayser vñd Küninig auch da sein werden. Antwort. Des. 1. Man sag danon jm lger/ Darumb sie auch da sein/aber des Kayser vñd Königs sörg man nit Des. 11. Sie sagen der Kayser sey zu tuck zoge vñ hab Wie beuestiget.

Das zweinzigst

Was den Türcken verursacht/das er nit nach der Thunan herauff gezogen. Antwort. Des. 1. das es neben der Thunan alles verprent sey. Des. 11. D; wais er nit er maint es gesche umb der teunig der profandt.

Das Ein vñdweinzigist

Ob er nit gross geschütz mit jme aufgeführt hab. Antwort Des. 1. zehentausent schiff hab der kayser zu Constantinopel aufgeschickt wif aber nit wohin. Des. 11. Etlich geschoff sey auff schiffen in kriechischen weiffenburg gfürt/die selbige füren kugeln als gross als ein kunds kopff.

Das zwey vñdweinzigist

Ob der Türckisch Keyser genn kriechischen weiffenburg komenn/ob kain geschütz mit jne dahin gepracht wordenn/ auff der Thunnens? Antwort Des. 1. Es sey dahin kain schiffung mit geschütz komenn hab auch anderst nicht / Dann die Nassern schiff gesehenn. Des. 11. Er wif nicht gewif vom grossenn geschütz/noch auch vom schiffenn.

Das dreyvñdweinzigist

Wiewil er Nassern schiff hab/vñd wo sie seyen. Antwort Des. 1. Er hab der vil gesehenn wif aber nit wo sie sein/noch die anzahl derselbenn. Des. 11. Er sagt der sey ein grosse zail weis aber nit wiewil.

Das vierund zwenzigist.

Ob kain her hernach ziehe? Antwort des. 1. kain. Des. 11. Kains.

Das funffundzwenzigist.

Ob vil volcks aus Boffen bey jnen sey? Antwort Des. 1.

Achttausent Bossackten. Des. II. Zayge an achttausent.

Das sechsundzweynzigist.

Ob ain geschray von einem einfall / denn die Christen in
Bosien gethan / vnter sie komenn sey? Antwort. Des. I. ja
Des. II. Er hab nichts gehöret.

Das sibendzweynzig ist

Ob vil Ungern bey dem Türcken seyen. Antwort Des. I.
Nur auß Simchem. Des. II. Er hab kein Ungern bey in
den allein was auß Simchen sey.

Das achtundzweynzigist

Ob er die Ungern vast nider laß hacken? Antwort. Des. I.
Mann sehe der Ungern kein. Des. II. Er laß die Ungern
nit todten noch fangen.

Das newundzweynzigist.

Ob kein krankheit zwischen inenn vmb gehe? Antwort.
Des. I. Weder vntern volck / noch vntern Rossen. Des. II.
Nain.

Das dreyszigist.

Warumb er dem Prym peter gefangen hab? Antwort
Des. I. Der wayda hab de Türckē geschribē Prym peter hab
ain volck so pald er vber die Traa kom / so woll er in den pass
wider züruck vorhalten? Des. II. Das ettlich den türckische
Keyser gesagt haben / er sey in nicht getrew.

Das einunddreissigist.

Warumb er so langsam ziehe? Antwort Des. I. Er wiß nit.
Des. II. Er hab ein groß volck vnd grosses here vñ schon auch
seher seins volcks.

Das zweyunddreissigist.

Ob er mit dem Sophi zu kriegen hab? Antwort Des. I. nein
Es sey frid zwischen inen. Des. II. Er hab ein frid vnd vera-
punitus mit in gemacht.

Das dreunddreissigist.

Ob sie sich zu Güns vast wern? Antwort Des. I. Er acht
es seyen mer dan Tausent Türcken darvor erschossen worden.

Des. II. Wenn sie sich nit ergeben so wil ers schlaffen vñnd
alles erschlagen dz drinen ist / oder wils nit macht gewinnen
aber sie weren sich sehr vñnd hefftig / vñnd bedufften wol hilff /
Er glaub das dem Türckischen Keyser bey Tausent Türcken
daruor umbklummen sein.

Das vierundreissigist.

Obs volck zu Ross harnisch für? Antwort Des. I. Nain /
Aber lang plechhandschuch für sie / vñnd vber vierhundert
Camel thier für panzer hernach. Des. II. Bis in achzehen
glid.

Das. 35.

Obs volck bezahlt sey? Antwort des. I. Wiß nit. Des. II.
Janitscher sein zu Effegk bezahlt auff drey Monat.

Der türck hat ablassen hawen vil holz vñnd baum vñnd ein
wagenpurck damit beffigter.

Item er hat die Mülen so vber den fluß Raha sein verbre-
net / alle verwißt vñnd vehert.

Item die Türcken so zu Offen gewelenn sein / hin auff zum
Türckischen Keyser zogen / eben auff sein weg den er ist zogē /
vñnd haben zu Offen gut beschuzung glassenn / sechstausent
püchssen.

Item der Türckisch Keyser ligt ein halbe meil wegs vom
Güns / vñnd vmbi wascha leit daselbs zu feld / vñnd hat wagen-
purck geschlagen / Er hat sich auch vnterstanden on vil orten
zu graben / kan aber vor wasser nichts aufrichten.

Item jr solt wissen / das in des türckē leger grosser mangel
ist des brots / aber getraid vñnd fütterung ist genug da / aber keine
Mülen das mans malē künde / Darumb ist auch kein mel da.

Die Janitscher haben ettliche auß yhnen ertvelt vñnd sie zu
dem Türckischen Keyser geschickt / vñnd lassen sagen / Er hab
sie herauf gefürt ein schlacht zubün / da solt er auch zueylen /
vñnd darzu thun / Sie müßten sunst hungers sterben / So woltē
sie lieber im krieg umbkumen vñnd erschlagen werden dan
hun ger sterben. Da hat yhn der Türck geantworet / Sie soltē

len noch ein wenig tag gebult tragen / So bald er das Schloß
Günß gewinn / so wöll er yhn alle profand / so darinn ist zustel
len vnd vnter sie taylen / vnd als dann zu der schlacht ziehen.

Es sagenn meine kundschaffter das der türckisch Kayser
teglich wart potschafft vomn sein Masarisctis / ob sie ehe die
brücken bey wien eingenomen haben vnd berentt / als dan
wöll er auff wien ziehen

Es zaygenn die kundschaffter an / Das er hab ein grosse zall
gefangner männer / weiber / vnd Junckfrawenn / die er all bes
wapnet / vnd wer in die hendt hat geben / vnd schneid denn
weibern die har ab / vnd legt in türckische kleider an / vnd das
thut er darumb das ers inn der schlacht vorn an die spitzenn
stellen will vor denn andern allen / das die das geschosß vomn
ersten treff vnd auffhalt.

Günß leytt fünff meil vomn der Newenstat
Aspern gilt vnser pfennig funff oder sechs
Bosson ist ein Herzogthum
Tassern seinschiffleut oder krieger die auff wasser kriegē



